



nyamũ cia ġithaka



hĩa na kanya ka mbakĩ



mũhuhi wa rũhĩa

Mũgamb Wa Kĩrĩnyaga

20



Mweri Wa Gathathanwa

Mũthenya wa Kana



★ ★ ★ ★ ★ *Mũgambo wa mũingĩ niġuo mũgambo wa Ngai*

Andũ A Kenya Matigathũ ġũita Thakame Haiti.

Haitians nĩ ciana cia Africa. Haitians nĩ ciana cia Africa; njiarwo cia Africans aĩa matwarirwo ũkomboinĩ nĩ nyakerũ

Mwandiki nĩ:
Njoroge Mwororo
California.

- Haitians nĩ ciana cia Africa.
 - President Willam Ruto ekĩritwo mũhũko nĩ President Joe Biden wa USA.
 - Haitians marũire wiyathi wao kuma kũri Faranja.
 - Nĩharĩ thakame njũru gatagatiĩnĩ ka America na Haiti.
- Rũgano ruothe P. 5, 6& 7



Warũbũku na Kĩmbu



Hĩndĩ ĩmwe tene mũno kĩmbu nĩmarĩ ndũgũ na warũbũkũ na nĩ mendanite mũno. Matũraga hamwe ona kũruga marugaga hamwe.

Page 13



Ngũgĩ wa Thiong'o

Kwĩ hĩndĩ Mwaũrandũ endete magoti mũno



Page 02



Gichũki Kamau nĩ mũrũiriri kihooto kĩa mũingĩ

Wangithi Kago Page 10

President Ruto nĩ ekwenda acokerie arĩmi anyinyi mĩġũnda yao kũu Ndadibi tondũ mena taito deed.

Haiti P.5

ġithaku kĩa Ngũgĩ wa Thing'o P.2

Mũrĩmi mũnyinyi ġũtunywo mũġũnda P.9

MAGOTIMA MWAŪRANDŪ



Karũgano kandĩke nĩ
Ngũgĩ wa Thiong'o

Gakaganwo nĩ
Ndũngi wa Gĩthuku

Kwĩ hĩndĩ Mwaũrandũ
endete magoti mũno
O mũbuto wakoragwo na
igoti riaguo
Wa bururu, igoti rĩa buru-
ru
Wa mathangũ, igoti rĩa
mathangũ
Mũtune, igoti itune, o
ũguo o ũguo
Nginya agetagwo nĩ andũ
mũnene wa magoti
Nake akĩambĩrĩria gwĩtoto-
ra na gĩthweri
Piga magoti
O na gĩthũngũ
Cook Maggot
Oĩkaine ũguo atĩ nĩ
mũndũ wa magoti rĩ
Mwaũrandũ abatithirio
mũrutani nĩ kĩ?
Ti tondũ wa kũrutana
thukuru
Kana kũruta mbeca cia
gwaka thukuru.
Aca,
Abatithirio ũguo nĩũndũ
wa kũruta andũ
Kĩrĩa kĩrĩ mũhuko matige

kũritũhĩrwo
Agũkora wĩ na igoti kwĩ na
riũa
Reke ngwaũre igoti kwĩ na
riũa
Agũkora wĩ na igoti kwĩ na
mbura
Reke ngwaũre igoti rĩ-
tikoirĩrwo nĩ mbura
No rĩrĩa ningĩ amenyire atĩ
Ngeretha makoronia man-
jirie wathani wao
Wa ũkoronia na gwĩtia
igoti rĩa nyũmba
Mwaũrandũ akĩona ta ona
kĩoneki
Mwana aingĩra nyũmba,
Ruta igoti rĩa nyũmba
Aka koigũ ka mbũkũ
Ruta igoti rĩa kanyũmba ka
mbũkũ
Akĩra ngũkũ kĩa
Ruta igoti rĩa ngũkũ
Enja irima rĩ maaĩ
Ruta igoti rĩa maaĩ
Aka kĩoro
Ruta igoti rĩa Mai
Wagũra kanyamũ
Ruta igoti rĩa kũgũra

kanyamũ
Wendia kanyamũ
Ruta igoti rĩa kwendia
kanyamũ
Wũĩ ĩ
Wendia Maguna Ngui
Ruta igoti rĩa kũguna Ngui
Wendia Makondobia
Ruta igoti rĩa ngũbia
Watua makandamia
Ruta igoti rĩa gwathamia
kanua
Mũthuri na mũtumia moi-
ga makomanie
Ruta igoti rĩa wendo
Maraya magĩkara haraya
Araihĩrĩrio nĩmo akiuga
Habaana
Acio nĩ hustlers
Nĩ ndamatinĩria igoti
Ndikwenda arũme morĩre
rũraya gũcaria Maraya
Maaĩ me kũraya matin-
yotoraga mũnyotu
No he rĩmwe atororokirie
rĩrĩa erire ciana irute igoti
rĩa rĩera
Atĩ ciĩtikĩrio kũhĩhia rĩera
na




Kwaga ũguo cihihie ndogo
ya maithori
Andũ magĩciria araria cia
igoti
Magĩkaya makiuga ciao
ningo itigũtinio magoti
Kaba matinio igoti rĩa
nyũmba
Handũ ha gũtinio igoti rĩ
ningo.
Angĩ nao magĩkaya
Auuuu atĩ tũtinio magoti?
Kĩongo kinyitĩrĩrwo nĩ kĩĩ?
Mwĩrĩ na kĩongo itigitha-
nio?
Makiuga matigwĩtikĩra
Na matigũkĩra ki
Magĩcarĩkia mbu
Tũtigũtinio ngingo tũkirĩte
Makĩambĩrĩria kũina:
Ūkai inyothe kanini na
kanene
Tweherie maggot nyũm-
ba...
Kĩara kĩmwe gĩtiuragaga
ndaa
Kamũingĩ koyaga ndĩrĩ...






Rĩrĩa Jesũ aakinyire rungu rwa mũtĩ ũcio, akĩrora igũrũ
akĩra Zakayo atĩrĩ, "Zakayo, harũrũka na ihenya, nĩ ũndũ
ũmũũthĩ no mũhaka thiĩ gwaku mũciĩ."
Naake Zakayo agĩkĩharũrũka na ihenya, akĩnyiita
Jesũ ũgeni akeneete.

NGŪGĨ WA THIONG'O.

Ngũgĩ ndatigĩte kwandĩka tondũ o kiumia nĩ andĩkaga irebeta hau "Mũgambo wa Kĩrĩnyaga" o na Ngathĩti ya "The Diaspora Times."



Mabuku mangĩ nĩ, Mũrogi wa Kagogo, Matigari ma Njirũngi, Kenda Mũiyũru, Njamba Nene na Mbathi ĩ Mathagu, Njamba Nene na Cibũ Kĩng'ang'i, Bathitora ya Njamba Nene, Rwĩmbo rwa Njũkĩ, na Nyoni Nyonia Nyone.



Ngemi Ciumaga Na Mũciĩ.

Igongona Rĩa Gũtĩa Na Gũtũgĩria PROF. Ngũgĩ wa Thiong'o.



Mwarimũ ũyũ mũgĩ ta kahĩũ kanore
na inooro rĩa ũgĩ.

DIASPORA HONORING

MWALIMU

PROF. Ngũgĩ Wa Thiong'o

DATE: June 22, 2024

TIME: 14:00 PM - 20:00PM EST

**Georgia State University Student Center Ballroom
55 Gilmer St. SE, Atlanta GA 30303, USA**



GUEST ARTIST

Mr. Kwame Rĩgĩ



For Registration
Scan this QR CODE

FEATURED SPEAKERS



Anna Mwalagho
Poet/Comedian



Maina Kiai
Lawyer and Human Rights leader



Prof. Kivutha Kibwana
1st Governor & former MP
of Makeni Constituency.



Mkawasi Mcharo
African Studies, Language and
Cultures Scholar, Washington DC.



GET YOUR TICKET HERE



+14437397874

<http://Kenyadiasporausa.org>



ũgĩ wĩ mbere ya hinya



Andũ A Kenya Matigathĩĩ Gũita Thakame Haiti.



Haitians nĩ ciana cia Africa. Haitians nĩ ciana cia Africa; njiarwo cia Africans arĩa matwarirwo ũkomboinĩ nĩ nyakerũ.

Nimahĩtia mũno Raithi Ruto gwĩtikĩra kũhũthĩrwo ũru nĩ Joe Biden atĩ athĩ akorage itoi Haiti. Icio ti itoi, nĩ ciana cia Haiti, ti itoi cia bũrũri ũngĩ. Mũndũ kwaga kũmenya hicitũri yake nĩ mũtino mũno tondũ mũndũ ta ũcio ndoĩ kũria aumĩte kana kũria arorete.

Nikĩo mũndũ nĩ egũita thakame ya mũrũ wa ithe kana akome na mwarĩ wa nyina nĩ

ũndũ wa kwaga kũmenya. Hicitũria ya andũ a Haiti nĩ hicitũria ya ngombo na ũkombo. Kĩndũ ta mĩaka magana matano mĩthiru, andũ a Africa mohirwo mĩnyororo nĩ nyakerũ, magikĩrwo meri na magĩtwarwo ũkomboinĩ.

Mandĩko ma Hicitũri mekwonania atĩ andũ makĩria ya million ikũmi na igĩrĩ na nuthu (12.5million) cia Africans nĩ matwarirwo ũkomboinĩ. Nao angĩ aingĩ makwĩriire rũgendoinĩ, iriyainĩ maroretio rũraya magatuwo ngombo (the middle passage). Amwe a acio nĩ marigĩriire Saint Domingue kũria ũmũthĩ gwĩtagwo Haiti. President Ruto ndagĩriirwo

nĩgũtũma borithi cia Kenya ikorage ciana cia Africa atĩ tondũ Joe Biden arauga nĩ itoi na mekwenda kũninwo. Gikũyu augaga: hiti mbere ya irĩe mwana igwatagia aranunga ta mbũri.

Africa iyothe ibataire kũnyitana hamwe ithĩi Haiti kũmateithĩrĩria no tikũmahũra makĩmetaga itoi na rĩngĩ hihi nĩandũ mararũira bũrũri wao kuma kũri kũnyarirwo nĩ mabũrũri manja ta America. America nĩ iharĩirie kũrutamba mbecha iria ciothe Ruto akũbatara ohamwe na indo ciothe cia mbara iria ekwenda cia gũthĩi kũnina gangs Haiti.

Rũu Ruto ehete mĩhangó ya gũ-

thagathaga borithi ithĩi mbũragano Haiti handũ ambe ecũranie: America irarega gũthĩi kũhũrana na gang icio nikĩ na nĩo ikĩrĩ na hinya mũnene wa mbara na igakorwo na andũ aingĩ mũno mangĩtũmwo makarũe gũkĩra Kenya? America ina matharaita ma mĩthemba yothe ya kũrũwa na ina andũ makĩria ya million magana matatũ ma mĩrongo itatũ na ithatũ (333 million people). Kenya ina andũ million mĩrongo itano na ithathatũ (56 million people).

Thĩi na mbere hau P. 6

Andũ A Kenya Matigathĩĩ Gũita Thakame Haiti.



Ningĩ America nĩyo iringanĩtie na Haiti: Kuma Florida USA gũthĩĩ Haiti nĩ mairũ 915, no kuma

Kenya gũthĩĩ Haiti nĩ mairũ 7,546. America iratũma Kenya nĩkĩ handũ ikarũe mbara irĩa iyayo? Haitians marũĩire wiyathi wao kuma kũri Faranja irĩa yatũire ikomeire Haitians marĩ ngombo cia.

Haitians matũire marutaga wĩra mũritũ; kũnyamarĩka kũnene magikũria: igwa, kahũwa, cacao na indigo. Mwaka wa 1791, makiuga nĩmanogio nĩ wĩra mũritũ wa ũkombo na maithori ũtarĩ mũcara; magĩtua mĩnyororo na makĩanjana na gũtanduka nyakerũ-Faranja plantation owners. Haitians makĩhoota mbirarũ ya 43,00 men arĩa matũmitwo nĩ mũnene wa bũrũri wa Faranja: Napoleon

Bonaparte; ũria we mwene warĩ njorwa irĩ gatũ ũndũ inĩ wigĩĩ mbara. Haiti nĩyo yarĩ koronĩ ya ngombo irĩa yarĩ ndongu mũno thiniĩ wa thĩ.

Faranja nĩyaconokire mũno nikũhotwo mbara nĩ ngombo - andũ airũ. Ona mabũrũri mothe ma nyakerũ makĩng'ũrika mũno nĩũndũ wa andũ airũ kwiyũkĩria, ona USA irĩa iringanĩtie na Haiti ikĩrega kwamũkĩra Haiti ta bũrũri wa ũrata arĩguo wa kerĩ kwĩhurĩria wiyathi wao na gũtuĩka republic ota USA.

Mwaka wa 1804, Haiti ikĩhanda; The Republic of Haiti. Faranja ikĩrakara. Ikĩhinga na ikĩgirĩria Haiti njira cia kũhũra biacara na mabũrũri marĩa mangĩ (trade embargo). America ikĩng'ũrika nikũmenya yaihũirie ngombo bũrũri-inĩ wayo: ikĩyũria rĩu hihi ngombo ici twĩnacio ikwaya gũtũkĩria?

Faranja igĩkĩria Haiti ngarama ya kũriha thiri wa mbara ohamwe na thiri wa ngombo icio cia huririe wiyathi wao.

Magĩtuĩka marihe 150million Francs- kĩndũ ta \$21billion mbeca cia ũmũthĩ. Haiti yarĩkirie kũriha mbeca icio thutha wa mĩaka igana ria mĩrongo irĩ na irĩ (122 years). Marĩkirie kũriha mwaka wa 1947.

Ngarama iyo nĩacokirie Haiti nathutha mũno tondũ okĩria bũrũri wathũkũma waneyaga Faranja, kũriha reparations of war. Haiti nigwo bũrũri wa mbere kũhotana mbara na ũkarĩhio thiri wa mbara. (war reparations). Kuma tene gũkoragwo atĩ ũria wa hotwo nĩwe ũrihaga ngarama ya mbara.

No Haiti ikĩona ihĩtirĩrio nĩ mabũrũri ma nyakerũ mothe ũndũ matakahota kũhũra biacara na mabũrũri mangĩ

maregana na kũriha Faranja ngarama iyo.

Haiti niguo warĩ bũrũri wa kerĩ kũhũra na gũtoria a European power- thutha wa USA gũtoria Britain. Haiti niguo bũrũri wa mbere guothe mwena wa Latin America gũtuĩka a Republic.

Ningĩ Haiti niguo bũrũri wa mbere wa andũ airũ, thiniĩ wa thĩ gũtuĩka a republic. Haiti noguo tu bũrũri thiniĩ wa thĩ; ngombo irĩ ciahũra ene ngombo, ikamaingata na igaka a republic (the first successful slave revolt in history). Thiĩ na mbere hau P. 7

Andũ A Kenya Matigathĩ Gũita Thakame Haiti.

Mũndũ mũirũ kwiruta ũkombo-inĩ na gwaka bũrũri wake gũkĩraria nyakerũ thĩ yothe. Haiti ikĩhĩtirwo atĩ nonginya igwe na ndikaye gũkerũgamia arĩ bũrũri ũrĩ na hinya.

Magĩthũkangia mũbango wa Haiti republic (sabotage) nĩgetha matigĩrĩre atĩ gũtikũgĩa ũndũ wa bata wa mũndũ mũirũ ũngithĩ na mbere. Ũmũthĩ ũyũ, Haiti nĩguo bũrũri ũrĩa mũthĩni na mũgiyiki mũno mabũrũri moothe marĩ nuthu ya thĩ ya mwena wa ithũiro (Western Hemisphere), na nĩ ũmwe wa mabũrũri mĩrongo irĩ maria mathĩni mũno thĩniĩ wa thĩ.

Nihari thakame njuru gatagatiini ka America na Haiti. Rĩria Haiti yambĩriirie mbara ya kũingata Faranja mwaka wa 1791, America yanĩite mĩaka ina tu kuma yatuika a republic. Ũhoru wa ngombo kũhũra na kũingata Faranja ũgĩtũma America igĩe na

heho mwĩrĩ tondũ bũrũri wao wanyitĩrĩrwo nĩ wĩra na thigino ya ngombo ihindainĩ riu na, maikarire marĩ na ngombo makĩria ya mĩaka mĩrongo mũgwanja thutha ũcio. America ikĩrega gũtambua Haiti republic na ikĩambĩrĩria gũthũkangia (sabotage) thirikari ya Haiti ndikae kwĩhanda.

America irũtite wĩra mũnene wa gũcogotha thirikari cia Haiti. Kũmaingĩrĩra ũtetiini wa bũrũri, ona kũnina na gũthamia atongoria aria maregana na mũtugo wa America gũthũkangia na kũingĩrĩra bũrũri wao. Hingo ya mbara ya mbere yathĩ, America nĩyetigĩrĩre Germany ndikae kũgia thiritũ na Haiti.

US marines magĩtũmwo nĩ president Woodrow Wilson makahurie bũrũri wa Haiti. America yoire Haiti arĩ ta colony kũma 1915 nginya 1934. Makigwatia ati moka kũiga thayu bururiini.

Makĩnyarira andũ na bũrũri wao. Makĩmarutithia wĩra kiahinya na makĩũraga na

gũthamia andũ kana atongoria aria othe mareganaga na gũkorwo America igĩathana Haiti. Nĩkĩo America iratũma Ruto akarue mbara yao tondũ andũ a Haiti monaga Americans magatihia ta ndegwa ndũi nĩ ũrũme. Thutha wagũkorwo marĩ na wiyathi wao handũ ha mĩaka magana merĩ ma mĩrongo irĩ na irĩ (220 years), Haiti matũire manyaririkaga na mathĩna maingĩ tondũ nyakerũ ndendaga ona hanini kuona bũrũri wa andũ airũ; ũrathanwo nĩ andũ airũ ũrĩ nuthu ya thĩ mwena wa ithũiro (Western Hemisphere); ũkĩngengana na republic ya USA.

Andũ airũ thĩ yothe, nĩ matunyirwo kĩndũ kĩnene mũno nĩ mbarĩ ya nyakerũ kũgĩria Haiti Republic ihande na ikũre. Gwĩka ũgwo, matunyire andũ airũ ũcamba wao na ginya kionereria kĩega kĩa atĩ nyakerũ ndakĩrite andũ airũ na tonginyanagia makorwo rungu rwa wathani wake.

Koruo Haiti Republic nĩ yehandire na igikũra na hin-

ya wegarĩ, hihĩ maũndũ nĩ mangĩari na ũtiganu handũini hegiĩ: gũtharanwo kwa Africa nĩ nyakerũ (the Scramble for Africa 1884-85 - the Barlin Conference), Imperialism na colonialism? Hihĩ tongĩathomete gĩthoma kĩhana atia kuma kũri Haiti- republic ya mbere ya andũ airũ thĩniĩ wa thĩ? President Ruto ndũngithii gũita thakame ya njorwa citũ cia mbere thiini wa thi.

Andũ a Haiti maragũkorete Washington DC ũkite kũhakwo na cocktail; maragũkania gũthĩi kwao gũita thakame. Ningĩ maragũkora ũthiite Italy kũnania na kũhenererio nĩ G7; maragũkania oringĩ ũtuge mĩhangó ya gũthĩi gũita thakame Haiti.

Tiga gũtwara andũ airũ makoragane na andũ airũ Haiti. Nyakerũ agacoka gũgũthekerera augage: one ũria ciana cia ngombo iroragana na andũ a Africa kũria marutirwo magitwarwo ũkomboini.

Mwandiki nĩ: Njoroge Mwororo

Njoohi nĩ njohi Ndũgatuĩke mũndũ Wa Njoohi

Irebeta rĩrĩbete nĩ
Ngũgĩ wa Thiong'o



Njoohi nĩ njohi
Njoohi Yohaga kiongo na
ngoro na mwĩrĩ
Njoohi ndĩrĩ mwarimũ
Njoohi ndĩũũ ũthaka
Njoohi ndĩũũ mũĩritũ kana
mwanake
Mũthuri kana mũtumia

kana mũthoniwa
Njoohi nĩ njohi na ndĩrĩ
thoni
Njoohi ndĩũũ ndagĩtarĩ
kana Professor kana Pres-
ident
Njoohi nĩ njohi
Ndũkareke wohwo mwĩrĩ

ngoro na kiongo
Nĩ njoohi njohi irĩa yohaga
mũndũ akerigwo
Kimberly Avenue, CA
August 26, 2023



Kahiũ getainwo na rwenji




Caci Ya ACK Kiangīma ĩrūmĩrĩre Kĩhoto ĩcokerie Wanyanga Mũgũnda Wake.

NĪ KŪRĪ WATHO UGĪTE ATĪ MŪNDŪ ANGĪKARA MŪGŪNDA WA MŪNDŪ ŪNGĪ MĪAKA IKŪMI GŪTHIE NA MBERE, ENA KĪHOOTO KUGA ŪCIO NĪGUO MŪCĪI WAKE. (NA GITHŪNGŪ WAATHO ŪCIO WĪTAGWO "ADVERSE POSSESSION RIGHT")



Wanyanga meena mūtumia wake



Andũ mahana ta itoi arĩa caci ĩratũmĩte mamomore nyũmba ya Wanyanga

Turĩ ithuoothe kuma gũkũ **mũgambo wa kirinya-ga** handũ ha Douglas Wanyanga, nĩtworia na gĩtũyo, caci ya ACK Kiangĩma, ĩcokie mũgũnda wa Wanyanga ona angĩkorwo nĩmagũrite.

Mũgũnda to ūcio tondũ kwĩna mĩgũnda mĩingĩ ĩrendio Mũranga, na mĩingĩ yayo, ndĩri na thogothogo.

Cokeriai mũrĩmi ūcio mũnyinyi mũgũnda wake tondũ hau niho akũriire na nĩgetha akĩrimagĩre mbĩrĩra ya arĩa mamũcia-

rĩre o agĩethagĩra ciana ciake irio. icio mũraingata no iria ciana cia ciana ciao ikarũmĩrĩa caci o iyo.

Kwĩna ikundi nyingĩ cingĩrutĩra, na icokie mbe-ca cianyu iria mwahere atunyani a mĩgũnda ona okorwo marĩ a family ya Wanyanga.

Wanyanga ena ciana iria irenda gũkorwo na handũ marĩtaga mũciĩ. Kamau wa Gichũki nĩ ar-amũria na gĩtio mũtika-ingate Wanyanga na nikio arethumbũra na gũcaria ikundi cia kũrũra kihoto

kia mũthuri ūcio mũkũrũ. Mahĩtia nĩ marekanagĩrwo ota ūria caci nyingĩ ihunja-gia na nĩyo yagĩriire kũrora kihoto handũ ha gũcin-dana na arĩa matarehota ona matarĩ na handũ ha gũthĩ.

Rekei caci ĩtuĩke kionere-ria gĩa kwĩra atunyani a mĩgũnda matige waganu ūcio wĩ bũrũri woothe, handũ ha kūnyitanĩra nao. Andũ metĩkĩtie atĩ, caci nĩyo njĩra ya kuona kĩrĩgĩrĩro kĩa muoyo wa tene na tene, na reke gũtũre ūguo mĩndĩ, na mĩndĩ.

Nĩtũgũikara tũkiandikaga ūhoro wa Wanyanga kin-ya rĩria kihoto gĩkoneka-na tondũ twĩna mwihoko nigĩkuoneka.

Tigai gũtuira Wanyanga ūru tondũ nĩ atururĩtio nĩ arĩa mangĩarĩrĩria kihoto gĩake nĩ ūndũ wa unguma-nio munene ūria wĩ bũrũri woothe.

Kihoto nĩ gĩkorwo nĩkio gĩgũtongoria, nĩgetha andũ oothe maigue maiganĩre.

**Mwandiki nĩ
Njeri wa Karago.**

Andũ Aitũ No Maragĩa Na Ūmenyo

Mūingĩ wa Mūrang'a, Kĩru Location, itũrainĩ rĩa Kĩambuthia na town ya Kĩrurĩ na Kĩangĩma magikenerera ngathĩti ya Mūgambo wa Kĩrĩnyaga. Ngathĩti irathomwo nĩandu na gĩkeno kĩnene mũno tondũ noyo ya gĩkũyũ.

Mwandiki nĩ Professor wa mūingĩ Gĩchũkĩ wa Kamau



**Twambĩrĩirie ngathĩti ĩno
ya mūgambo wa
Kĩrĩnyaga, nĩgetha andũ a
Kenya, makamenya ũrĩa
bũrũri ũrathiĩ na mbere,
kana ũrĩa ũracokio na
thutha nĩ ateti arĩa
matarĩ na
mwerekero.**

**Nĩtwandĩkaga cara rũkũ
tuona maũndũ matarĩ mega
kuma o icigo cia bũrũri
woothe.
Mũndũ angĩkorwo na ũndũ
mweka ekwenda andũ
mamenye no
atwandikĩre na nĩtũgwikĩra
ndeto ciake.**

*Mũgambo wa
mũingĩ nĩguo
mũgambo wa Ngai*

*Kahinda gatarĩ coho
ũkũigua kameme
ka Mũgambo wa
Kĩrĩnyaga*



diasporatimeskenya@gmail.com



diasporatimeskenya@gmail.com

*Waica kehiri nowe
waica keruti*

*ũtamerithĩtie
ndagaga Kũhanda*

etha biacara haha

12

Mĩtugo ya andũ aitũ ĩrotũra mĩndĩ na mĩndĩ

Andĩkĩri Mũgambo Wa Kĩrĩnyaga.

Waica kehiri nowe waica keruti email-diasporatimeskenya@gmail.com




Arch Dr. D.K. Gĩtaũ

Gĩtaũ



Ngũgĩ

Prof. Ngũgĩ wa Thiong'o



ino niyo ngatheti ya Mũgĩkũyũ



Wangithi wa Kago Ndũngi Githuku

ũgĩ wĩ mbere ya hinya



ŪGĪ WĪ MBERE YA HINYA

Hindī ĩmwe tene m̄uno k̄imbu n̄imarī ndūgū na warūbūkū na n̄i mendanīte m̄uno. Matūra-

ga hamwe ona k̄uruga marugaga hamwe. N̄i moikaine k̄undū guothe at̄imarīūrata m̄unene m̄uno.

Warūrūbūkū n̄i ar̄ihenya m̄uno na mawara maingī m̄uno. Onagūtūika ar̄i mwara ūguo k̄imbu nik̄ia m̄uk̄iragia nganya.

K̄imbu n̄iḡietiḡir̄two n̄i nyamū nyingī n̄iundū wa k̄uhota ḡucenjia marangi matiganīte ona ningī nik̄irī rūrīmī r̄unene m̄uno rūrīa ḡitūmaḡira k̄ugucia k̄indū ḡik̄urahi.

Mūthenya ūmwe n̄i kwa ḡiire na nditimūrano ḡithaka in̄i k̄iu matūruga na nyamū

Mūthenya wakinya wa mahenya nyamū ciothe n̄iciehar̄irie wega na ḡutirī ona ĩmwe yet̄ikagia no ĩhotwo. Har̄ia cia m̄baḡir̄iria ihenya haḡik̄irwo rūrī na har̄ia mar̄ikaḡiria hak̄iigwo ḡitī n̄igetha ūr̄ia ūk̄uhota aikar̄ire ḡitī.



ciḡiukan̄ir̄ira m̄uno onginya imwe cik̄imenana kaimana. N̄i gwathondekirwo mūthenya wa mahenya na nyamū ciothe cik̄iguithan̄iria ĩr̄ia ĩk̄uhota n̄iyo ĩḡūtūika m̄unene wacio.

Mūthenya wakinya wa mahenya nyamū ciothe n̄iciehar̄irie wega na ḡutirī ona ĩmwe yet̄ikagia no ĩhotwo. Har̄ia cia m̄baḡir̄iria ihenya haḡik̄irwo rūrī na har̄ia mar̄ikaḡiria hak̄iigwo ḡitī n̄igetha ūr̄ia ūk̄uhota aikar̄ire ḡitī.

Ihenya r̄itanambia nyamū ciothe n̄icia bangire mūr̄aini mūr̄ungarū m̄uno na n̄iguo ciambie ihenya. O r̄irī matua ḡūk̄ura maguthūke r̄i k̄imbu ḡik̄irūḡira m̄uting'oe wa warūrūbūkū na warūrūbūkū

ndamenye. Ihenya n̄ir̄iambir̄irie o wega biū na kaihwa na gaicūkūrū maḡiteng'erania marorete ḡitī in̄i.

Mwago m̄unene warī ihenya in̄i r̄iu tondū kwī nyamū cia ḡuanaga ingī k̄uremwo n̄i ihenya na ingik̄unogera gatagatī in̄i.

Warūrūbūkū n̄iwe waton-goretie ihenya r̄irī tondū athiaga ak̄irūgarūgaga na m̄itacū yake yarī m̄inene m̄uno.

Warūrūbūkū ena ḡikeno k̄ingī m̄uno na kuona atī n̄iwe ūrorete k̄uhotana ihenya in̄i tondū ehūgūra na thutha ḡūtiarī nyamū ya m̄ukuh̄ir̄irie ona ĩmwe. Or̄irī warūrūbūkū akinya ḡitī in̄i ak̄ienda ḡuikara th̄irī ak̄iigua k̄imbu k̄ia mw̄ira wee

mūr̄una wakwa menyerera ndūkanj̄ikar̄ire. Warūrūbūkū n̄ia makire m̄uno na ak̄irigwo ūr̄ia k̄imbu k̄ia hota guteng'era nginya ḡia cinda warūrūbūkū.

Nar̄ir̄ia warūrūbūkū ec̄uran-agia ūr̄ia gwathiī na mbere na tondū ndaigan̄ir̄ire n̄i k̄uhotwo n̄i k̄imbu aḡicoka har̄ik̄imbu aḡik̄iuria at̄ir̄irī wee k̄imbu ḡikī wandoria at̄ia ihenya in̄i r̄irī? K̄imbu ḡiḡicokeria warūrūbūkū " ūgī wī mbere ya hinya" Kai ūguo n̄iguo k̄imbu k̄ia hotanire.

Mwandiki n̄i
Joseph K̄imani

LEMFI**International Payments
For Everyone**

Send and receive money from Kenya



Zero transfer fees

Best rates

Quick transfers

Send directly to MPESA
and bank accountsReceive money
from Kenya

Get \$30 cashback
the first time you
send \$100 or more*

Use the referral code

TIMES

*Terms and conditions apply



Scan to download

**CLICK
HERE**GET IT ON
Google PlayDownload on the
App Store

Send money to



f @uselemfi

t @uselemfi

W: www.lemfi.com

E: support@lemfi.com

Remittance services sponsored by Community Federal Savings Bank.



Winyitũire ndahana ũtarĩ ona gatũũ

